

# ՀԱՅԱՍՏԱՆԻ ԱՄԵՐԻԿԱՆ ՀԱՄԱԼՍԱՐԱՆ

ՈՒՍՈՒՄՆԱԿԱՆ ԾՐԱԳՐԵՐ  
2011-2012



Մարշալ Բաղրամյան 40  
Երևան, 0019, Հայաստան  
Հեռ. (374-10) 512791, 512792  
[admission@aua.am](mailto:admission@aua.am)  
[www.aua.am](http://www.aua.am)

ՀԱՀ-ը հավատարմագրված է ԱՄՆ դպրոցների և քոլեջների արևմտյան  
ասոցիացիայի կողմից և հանդիսանում է ԱՄՆ Քալիֆորնիայի համալսարանի  
գործակիցը:

## ԸՆԴՈՒՆԵԼՈՒԹՅՈՒՆ 2012

Ամբողջ տարվա ընթացքում ընդունելություն է կատարվում բարձր առաջադիմություն ունեցող դիմորդների համար: Հավելյալ տեղեկություններ ստանալու համար գրել [admission@aua.am](mailto:admission@aua.am) էլ. հասցեին:

### 2011-2012 ՈՒՍՈՒՄՆԱԿԱՆ ՏԱՐՎԱ ՕՐԱՑՈՒՅՑ

#### ԱՇՆԱՆԱՅԻՆ ՔԱՌՈՐԴ 2011

Դասերի սկիզբ	2011 09 26
Գրանցված առարկայի փոփոխման վերջնաժամկետ	2011 10 07
Դասերի ավարտ	2011 12 02
Եզրափակիչ քննություններ	2011 12 03-09
Քառորդի ավարտ / գնահատականների ներկայացման վերջնաժամկետ	2011 12 14

#### ՁՄԵՌԱՅԻՆ ՔԱՌՈՐԴ 2012

Դասերի սկիզբ	2012 01 09
Գրանցված առարկայի փոփոխման վերջնաժամկետ	2012 01 20
Դասերի ավարտ	2012 03 08
Եզրափակիչ քննություններ	2012 03 17-22
Քառորդի ավարտ / գնահատականների ներկայացման վերջնաժամկետ	2012 03 23

#### ԳԱՐՆԱՆԱՅԻՆ ՔԱՌՈՐԴ 2012

Դասերի սկիզբ	2012 04 02
Գրանցված առարկայի փոփոխման վերջնաժամկետ	2012 04 04
Դասերի ավարտ	2012 06 08
Եզրափակիչ քննություններ	2012 06 09-15
Քառորդի ավարտ / գնահատականների ներկայացման վերջնաժամկետ	2012 06 18

#### ԱՄԱՌԱՅԻՆ ՈՒՍՈՒՄՆԱԿԱՆ ՇՐՋԱՆ 2012

Ուսումնական շրջան	2012 07 09-09 09
Ուսումնական շրջանի ավարտ/գնահատականների ներկայացման վերջնաժամկետ	2012 09 16

#### ԱՇՆԱՆԱՅԻՆ ՔԱՌՈՐԴ 2012

Դասերի սկիզբ	2012 09 24
Գրանցված առարկայի փոփոխման վերջնաժամկետ	2012 10 05
Դասերի ավարտ	2012 11 30
Եզրափակիչ քննություններ	2012 12 01-07
Քառորդի ավարտ / գնահատականների ներկայացման վերջնաժամկետ	2012 12 12

## ՀԱՅԱՍՏԱՆԻ ԱՄԵՐԻԿԱՆ ՀԱՄԱԼՍԱՐԱՆԻ ԸՆԴՈՒՆԵԼՈՒԹՅԱՆ ՊԱՅՄԱՆՆԵՐԸ

Հայաստանի ամերիկյան համալսարանը (ՀԱՀ) ցանկանում է իր ուսանողների շարքերում տեսնել ցայտուն ուսումնական առաջադիմություն, բարձր մտավոր ներուժ ունեցող անհատներ, որոնք նպատակները համահունչ են ՀԱՀ-ի՝ Հայաստանում և տարածաշրջանում ղեկավար դիրքեր ստանձնող անհատներ պատրաստելու ցանկության հետ: Ուսանողների ընտրությունը կատարվում է՝ հաշվի առնելով ուսումնական արդյունքները և աշխատանքային փորձը, ինչպես նաև անձնական և ուսումնական հաջողությունները:

### Ընդունելության պայմանները

ՀԱՀ-ի մագիստրոսի կոչում կամ վկայագիր շնորհող ծրագրերին դիմելու համար դիմորդի տվյալները պետք է բավարարեն ընդունելության ընդհանուր և ծրագրերին հատուկ պահանջներին:

### Ուսումնական օրացույց

ՀԱՀ ուսանողներն ընդունվում են տարին մեկ անգամ: Դասընթացները սկսվում են աշնանային քառորդով և ընթանում են երեք ուսումնական քառորդների ընթացքում՝ աշնանային, ձմեռային և գարնանային:

Բոլոր ծրագրերի դասընթացները սկսում են աշնանային քառորդով: Համարային առողջապահության մագիստրոսի կոչում շնորհող ծրագիրն ընդունելությունը կատարում է երկու տարին մեկ անգամ:

### Դիմելու կարգը

Դիմորդը, ընդունելության ժամկետներին համապատասխան, ՀԱՀ-ի ընդունելության գրասենյակ պետք է ներկայացնի անհրաժեշտ փաստաթղթերի ամբողջական փաթեթը: Փաթեթը պետք է ներառի.

(ա) Լրացված դիմումաձև, ներառյալ նպատակի շարադրանք (ընտրված յուրաքանչյուր ծրագրի համար)

(բ) Դիմորդի բարձրագույն կրթության դիպլոմ կամ դիպլոմներ (բնօրինակ և պատճեն): Դիմորդները պետք է ունենան 4-5 տարվա կրթություն հավատարմագրված բարձրագույն կրթական հաստատությունից, կամ Հայաստանում լիցենզավորված բարձրագույն կրթական հաստատությունից:

(գ) ԲՈՒՀ-ի գնահատականների ավարտական միջուկ (բնօրինակ և պատճեն): Եթե բնօրինակն անգլերեն, հայերեն կամ ռուսերեն չէ, ապա անհրաժեշտ է նոտարի կողմից հաստատված անգլերեն թարգմանություն: Ներկայացված ներդիրում պետք է նշված լինեն դիմորդի անցած բոլոր դասընթացները և գնահատականները: Այն դիմորդը, ով դիմումաձևերի համեմատ ժամանակ ավարտական կուրսի ուսանող է և դեռևս չունի դիպլոմի ներդիր, պետք է ներկայացնի իր անցած դասընթացներն ու գնահատականները հաստատող տեղեկանք՝ ստորագրված ֆակուլտետի ղեկանի կողմից՝ մինչև փաստաթղթերի համեմատան վերջնաժամկետը:

(դ) Երեք երաշխավորագիր նամակ

(ե) Անձնագիր (բնօրինակ և պատճեն՝ 1-ին էջը և գրանցման էջը)

Օտարերկրյա դիմորդները և բոլոր նրանք, ովքեր անձամբ չեն ներկայացնում անհրաժեշտ փաստաթղթերի փաթեթը, պետք է գործերին կցեն նաև անձնագրի վերոհիշյալ էջերի վավերացված պատճենները:

(զ) Անգլերենի որպես օտար լեզվի ինտերնետային TOEFL (TOEFL iBT) քննությունից 79 միավոր կամ 6.5 միավոր IELTS անգլերեն լեզվի միջազգային քննությունից (արդյունքները առավելագույնը 2 տարվա վաղեմություն կարող են ունենալ):

(է) GRE, GMAT կամ LSAT քննությունների միավորներ (արդյունքները առավելագույնը 5 տարվա վաղեմություն կարող են ունենան)  
 (ը) Դիմումավճար (6,000 ՀՀ դրամ Հայաստանի և Հայաստանում երկարաժամկետ կաջության կարգավիճակ ունեցող քաղաքացիների համար և 28,000 ՀՀ դրամ օտարերկյա քաղաքացիների համար. գումարը վերադարձման ենթակա չէ):

### Հավելյալ պահանջներ

- (1) Գործարար կառավարման բաժնի դիմորդները պետք է վերոնշյալ փաստաթղթերին կից ներկայացնեն աշխատանքային գրքույկ՝ բնօրինակ և պատճեն կամ պաշտոնական նամակ/նամակներ իրենց նախկին/ներկա աշխատավայրից/աշխատավայրերից:  
 (2) Գործարար կառավարման բաժնի դիմորդները պետք է լրացնեն նաև հավելյալ դիմումաձև:

\* Հիմնական ծրագիր ընդունված բոլոր ուսանողները պետք է ավարտեն Անգլերեն լեզվի ծրագրերի բաժնի կողմից կազմակերպվող ակադեմիական գրավոր շարադրանքի դասընթաց՝ նախքան ՀԱՀ-ի հիմնական ծրագրի առաջին քառորդի սկիզբը: Բոլոր նոր ընդունված ուսանողները կտեղեկացվեն դասընթացների մանրամասներին:

### Դիմումներ ներկայացնելու վերջնաժամկետներ

Դիմորդները պետք է ընդունելության փաթեթը ներկայացնեն համաձայն ներքևում տրված աղյուսակում բերված ժամկետների: Դիմորդներին խորհուրդ է տրվում մինչև վերջնաժամկետը կապ հաստատել իրենց հետաքրքրող բաժինների ներկայացուցիչների, ինչպես նաև Ուսանողական և ուսումնական հարցերով զբաղվող գրասենյակի աշխատողների հետ մանրամասն տեղեկություններ ստանալու համար: Խորհուրդ է տրվում դիմումները բավականին վաղ հանձնել: Կրթաթոշակի և ֆինանսական օժանդակության ծրագրերին դիմելու համար դիմորդները պետք է ամբողջական փաթեթը հանձնեն ընդունելության դիմումաձևի հետ մեկտեղ:  
 Ամբողջ տարվա ընթացքում ընդունելություն է կատարվում բարձր առաջադիմություն ունեցող դիմորդների համար: Հավելյալ տեղեկություններ ստանալու համար գրել [admission@aua.am](mailto:admission@aua.am):

Մագիստրոսի կոչում կամ վկայագիր շնորհող ծրագիր	Հիմնական ծրագրի սկիզբ *	Դիմելու փաթեթի հանձնման վերջնաժամկետ	Անհրաժեշտ քննություններ** (Կամ անգլերեն լեզվի այլ ընդունելի քննություններ / տես ցանկը)
CIS	2012 թ.-ի աշնանային քառորդ	2012 թ-ի ապրիլի 16	TOEFL/GRE
LL.M.	2012 թ.-ի աշնանային քառորդ	2012 թ-ի ապրիլի 16	TOEFL/LSAT
MATEFL	2012 թ.-ի աշնանային քառորդ	2012 թ-ի ապրիլի 16	TOEFL
PSIA	2012 թ.-ի աշնանային քառորդ	2012 թ-ի ապրիլի 16	TOEFL/GRE
MBA	2012 թ.-ի աշնանային քառորդ	2012 թ-ի ապրիլի 16	TOEFL/GMAT
IE&SM	2012 թ.-ի աշնանային քառորդ	2012 թ-ի ապրիլի 16	TOEFL/GRE
MPH	2013 թ.-ի աշնանային քառորդ	2013 թ-ի ապրիլի 16	TOEFL/GRE

\* Բոլոր այն ուսանողները, ովքեր կընդունվեն հիմնական ծրագիր, պետք է ավարտեն ակադեմիական գրավոր շարադրանքի պարտադիր դասընթաց, որը կազմակերպում է ՀԱՀ-ի Անգլերեն լեզվի ծրագրերի բաժինը: Բոլոր նոր ընդունված ուսանողներին տեղյակ կպահենք դասընթացների մանրամասներին: Դասընթացի վարձի մասին Ձեզ տեղեկություն կարող է տալ ՀԱՀ-ի Ուսանողական և ուսումնական հարցերով զբաղվող գրասենյակը:

\*\* Դիմորդները պետք է տեղյակ լինեն, որ քննությունների պաշտոնական արդյունքները կարող են ՀԱՀ հասնել հանձնման պահից մինչև 4 շաբաթ անց:

Անգլերեն լեզվի քննություններ	Ընդունելի միավորներ
Ինտերնետային TOEFL (TOEFL iBT)	79 կամ ավել
IELTS	6.5 կամ ավել



# Կարևոր տեղեկություն բոլոր դիմորդների համար

Դիմորդները պետք է տեղյակ լինեն, որ հիմնական պահանջներին բավարարելը դեռ չի երաշխավորում իրենց հիմնական ծրագիր ընդունվելը: Քանի որ սահմանափակ թվով ուսանողներ կարող են ընդունվել, ՀԱՀ-ում ընդունելությունը կազմակերպվում է մրցութային հիմունքներով՝ մամրագրված քննարկելով նաև դիմորդի ուսումնական ցուցանիշները և նրա ՀԱՀ-ում սովորելու խթանի լրջությունը:

Ընդունելության գործընթացում տվյալ ծրագիր դիմած թեկնածուների ընտրությունը կատարվում է համեմատական կարգով՝ նույն բաժին դիմածների համապատասխան ցուցանիշները համեմատելով: Յուրաքանչյուր տարվա դիմորդներից ընտրվում են այն թեկնածուները, որոնց որակավորումները համապատասխանում են թե՛ համալսարանի ընդհանուր պահանջներին, թե՛ իրենց ընտրած բաժնին հատուկ պայմաններին: Դիմորդի ընդունվելը կախված է նույն ծրագիր դիմած թեկնածուների ուժեղ կամ թույլ ցուցանիշներից:

## Բացառիկ ընդունելություն

Հազվադեպ դեպքերում ընդունելության համեմատողովը հատուկ որոշմամբ կարող է ընդունել դիմորդների, որոնց ցուցանիշները չեն համապատասխանում ընդունելության նվազագույն պահանջներին, բայց ովքեր ՀԱՀ-ի ուսանողներ և շրջանավարտներ դառնալու կարողությունները ապացուցող այլ տվյալներ ունեն:

Նման դեպքերում ուսանողներն ընդունվում է պայմանական և անցնում փորձաշրջան: Այս ընթացքում դիմորդները պետք է բավարարեն ընդունելության համեմատողովի կողմից հաստատված պայմաններին (թվարկված ընդունելությունը հաստատող պաշտոնական մամակում): Հակառակ դեպքում՝ նրանք կհեռացվեն ՀԱՀ-ից:

## Անգլերենի իմացության պահանջ

Քանի որ ՀԱՀ-ում դասավանդման լեզուն անգլերենն է, գրավոր և բանավոր անգլերենի իմացությունը պարտադիր է ՀԱՀ-ի մագիստրոսի կոչում կամ վկայագիր շնորհող ծրագրեր ընդունվելու համար:

## Դիմորդը բավարարում է անգլերեն լեզվի իմացության պահանջը, եթե

- ա) դիմորդին բակալավրի աստիճան շնորհող հաստատությունում բոլոր առարկաների դասավանդման լեզուն անգլերենն է եղել կամ
- բ) ներկայացնի արդյունքներ՝ համաձայն ներքոհիշյալ աղյուսակի

Անգլերեն լեզվի քննություններ	Ընդունելի միավորներ
Ինտերմեդիային TOEFL (TOEFL iBT)	79 կամ ավել
IELTS	6.5 կամ ավել

79-ից պակաս միավորներ հավաքելու դեպքում դիմորդին կարող է հնարավորություն ընձեռնվել ընդունվելու պայմանական հիմունքով: Արդյունքները պետք է լինեն 2 տարվա վաղեմության՝ քննության հանձնման պահից մինչև դիմումաձևերի հանձնման վերջնաժամկետը:

Այն դիմորդները, որոնց անգլերեն լեզվի գիտելիքները ընդունելության պահանջներին չեն բավարարում, բացառության կարգով, կարող են հաճախել ՅԱՀ-ի Անգլերենի ակադեմիական արագացված դասընթացների ծրագիրը:

## TOEFL քննություն

Դիմորդները կարող են հանձնել Ինտերնետային TOEFL (TOEFL iBT) կամ IELTS: Քննության արդյունքները պետք է լինեն երկու տարվա վաղեմության՝ հանձնման պահից մինչև դիմումաձևերի հանձնման վերջնաժամկետը: Դիմորդի պարտականությունն է դիմել Ուսումնական քննական կենտրոն (ETS), որպեսզի քննության պաշտոնական արդյունքներն ուղարկվեն Օուքլենդ, Քալիֆորնիա՝ ՅԱՀ-ի ԱՄՆ-ի գրասենյակ: Քննության արդյունքների խնդրագրում դիմորդը պետք է նշի ՅԱՀ-ի TOEFL-ի հաստատության կոդը՝ 4151 և բաժանմունքի կոդը՝ 99: ՅԱՀ-ում TOEFL-ի միավորները պետք է ստացվեն մինչև դիմումաձևերի ընդունման վերջնաժամկետը:

## Ստանդարտացված քննությունների պահանջ

Մագիստրոսի կոչում շնորհող ծրագրի յուրաքանչյուր դիմորդ պետք է, ի լրումն TOEFL/IELTS քննության, հանձնի համապատասխան երկրորդ քննություն: Գործարար կառավարման բաժնի դիմորդը պետք է հանձնի Ավարտական կառավարման ընդունակությունների քննություն (GMAT): Արդյունաբերական ճարտարագիտության և համակարգերի կառավարման, Համակարգչի և տեղեկության գիտության, Քաղաքագիտության և միջազգային հարաբերությունների և Հանրային առողջապահության բաժինների դիմորդները պետք է հանձնեն Ընդհանուր իմացության քննություն (GRE): Իրավագիտության ֆակուլտետի դիմորդները պետք է հանձնեն LSAT:

Այն դիմորդը, ում տվյալները համապատասխանում են ընդունելության ընդհանուր և ծրագրերին հատուկ պահանջներին, ներառյալ անգլերեն լեզվի բավարար իմացությունը, պետք է գրանցվի GMAT/GRE/LSAT քննության համար: Դիմորդը պետք է վճարի քննության համար և հետամուտ լինի, որ քննության արդյունքները հասնեն Օուքլենդ մինչև համապատասխան ծրագրին դիմելու վերջնաժամկետը: Դիմորդն ինքն է պատասխանատու քննությանը ժամանակին գրանցվելու, վճարելու և արդյունքները ժամանակին ներկայացնելու համար: Դիմորդները պետք է տեղյակ լինեն, որ քննությունների պաշտոնական արդյունքները կարող են ՅԱՀ հասնել հանձնման պահից մինչև 4 շաբաթ անց: Ընդունելության համար հաշվի են առնվում միայն այն քննության արդյունքները, որը դիմորդը հանձնել է փաստաթղթերի ընդունման վերջնաժամկետից առաջ՝ հինգ տարվա ընթացքում: Բոլոր դեպքերում, դիմորդը պետք է հայց ներկայացնի համապատասխան քննական հաստատություն, որպեսզի իր միավորներն ուղարկվեն Օուքլենդ՝ Քալիֆորնիա՝ ՅԱՀ-ի ԱՄՆ-ի գրասենյակ: GRE համակարգում ՅԱՀ-ի կոդը 0676 է, GMAT-ի կոդը՝ 0284, և LSAT-ի կոդը՝ 0868:

## Գրանցում

Մագիստրոսի կոչում կամ վկայագիր շնորհող ծրագրի յուրաքանչյուր ուսանող պետք է ամեն քառորդի սկզբում գրանցվի Ընդունելության և ուսանողական հարցերի գրասենյակում: Ուսանողը գրանցված կհամարվի միայն այն դեպքում, երբ վճարել է ուսման վարձը և լրացրել գրանցման համապատասխան ձևը:

Այն ուսանողը, ով ստանում է ֆինանսական օժանդակություն, Ընդունելության և ուսանողական հարցերի գրասենյակի աշխատակիցներից պետք է ճշտի վարձի վճարելիք մասը: Վճարումները ժամանակին չկատարելու դեպքում (վճարման ժամկետները նշանակվում են նախօրոք Ընդունելության և ուսանողական հարցերի գրասենյակի կողմից) ուսանողը կարող է գրկվել դասերին մասնակցելու իրավունքից և լավագույն ուսանողներին հասնող առավելություններից: Գրանցման վերջնաժամկետից ուշանալու դեպքում ուսանողը պետք է վճարի 25,000 ՀՀ դրամ՝ ուշ գրանցման վճար:

Գրանցված ուսանողը կարող է չեղյալ հայտարարել իր գրանցումը և հետ ստանալ արդեն վճարված գումարը միայն այն դեպքում, երբ տարկետման հայտ է ներկայացնում դասերի սկզբից երկու շաբաթվա ընթացքում՝ տաս շաբաթյա դասերի դեպքում կամ դասի ընդհանուր տևողության 20%-ը չանցած՝ կարճ դասընթացների դեպքում: Ժամկետից ուշանալու դեպքում գումարը հետ չի վերադարձվում:

## Տարկետում և վերընդունում

Մագիստրոսի կոչում կամ վկայագիր շնորհող ծրագրի ուսանողը կարող է տարկետում ձևակերպել միայն ֆակուլտետի ղեկանի կամ ղեկանի տեղակալի համաձայնությամբ:

Տարկետումն ընտրովի դասընթացից թույլատրվում է միայն 8-ից 10 շաբաթյա դասընթացների առաջին երկու շաբաթների ընթացքում կամ, երբ սպառվել է տվյալ դասընթացի 20%-ին համարժեք դասերի ժամաքանակը:

ՀԱՀ-ում իր ուսումնառության ընթացքում ուսանողը կարճաժամկետ տարկետում կարող է ձևակերպել միայն մեկ անգամ: Տարկետման պաշտոնական թույլտվություն չստանալու դեպքում՝ ուսանողը կարող է գտնվել տարկետման կարգավիճակում ՀԱՀ-ի տվյալ ծրագրում, սակայն տարկետումից վերականգնման իրավունք կարող է չստանալ:

Ուսանողը, ով տարկետում է ձևակերպել և ցանկանում է վերադառնալ, պետք է դիմի վերընդունելության համար: Վերընդունելության դիմումը Ուսանողական և ուսումնական հարցերի գրասենյակի միջոցով պետք է ներկայացվի համապատասխան ֆակուլտետի ղեկանին՝ համապատասխան ուսումնական քառորդի սկզբից նվազագույնը երեք շաբաթ առաջ:

Համալսարանում պաշտոնական տարկետումից հետո վերընդունում ինքնաբերաբար տեղի չի ունենում: Ուսանողի վերընդունումը կախված է մինչև տարկետում նրա ցուցաբերած առաջադիմության և վերընդունելությունից հետո ընկած ժամանակահատվածում իրեն անհրաժեշտ առարկաների և տեղերի առկայությունից: Ուսանողը պետք է տարկետումից վերադառնա երեք տարվա ընթացքում, որպեսզի իրավունք ունենա մասնակցելու վերընդունելությանը. հակառակ դեպքում նա մշտապես կնեղժվի:

## Ուսման վարձը և վճարումները

Ընդունվելու պահից մինչև ավարտելը դիմորդը պետք է հատուկ ուշադրություն դարձնի ՀԱՀ-ում իր կրթության ֆինանսավորմանը: Հարկավոր է հաշվի առնել, որ վճարումների չափը կարող է փոփոխման ենթարկվել. այնուամենայնիվ, ուսանողները ստորագրում են պայմանագիր՝ համաձայն որի ամրագրվում է տվյալ ուսանողի ուսման վարձը մինչև պայմանագրի ժամկետի ավարտը: Գրանցման ժամանակ ուսանողը դասվում է ՀՀ քաղաքացի կամ ոչ-քաղաքացի՝ համաձայն Հայաստանի օրենսդրության:

2012թ-ի ՀԱՀ դիմելու վճարը կազմում է 6,000 ՀՀ դրամ՝ Հայաստանի և Հայաստանում երկարաժամկետ կաջության կարգավիճակ ունեցող քաղաքացիների համար և 28,000 ՀՀ դրամ՝ օտարերկրյա քաղաքացիների համար:

ՀԱՀ-ի 2012թ-ի ուսումնական տարվա հիմնական ծրագրի ուսման վարձը կազմում է 3,300,000 ՀՀ դրամ (1,100,000 ՀՀ դրամ՝ մեկ քառորդը): Ուսման վարձը նույնն է բոլոր ուսանողների համար, սակայն Հայաստանի, ինչպես նաև Հայաստանում երկարաժամկետ կաջության կարգավիճակ ունեցող օտարերկրյա քաղաքացիները ստանում են վարձի մի մասին համարժեք կրթաթոշակ: Այն գումարը, որը պետք է վճարեն Հայաստանի և Հայաստանում երկարաժամկետ կաջության կարգավիճակ ունեցող օտարերկրյա քաղաքացիները 2012թ-ի ուսումնական տարվա համար կազմում է 960,000 ՀՀ դրամ (320,000 ՀՀ դրամ՝ մեկ քառորդը):

### **Ֆինանսական օժանդակություն**

Ֆինանսական օժանդակություն, կրթաթոշակ կամ վարկ ստանալու համար ուսանողները պետք է լրացնեն հատուկ դիմումաձև: Այն պետք է հանձնվի ընդունելության ամբողջական դիմումաձևի հետ միասին:

Ֆինանսական օժանդակության ծրագրի նպատակն է յուրաքանչյուր հայ ուսանողի տալ իր ֆինանսական կարիքին համապատասխան չափով օժանդակություն: Ֆինանսական օժանդակությունը կարող է կազմել տարեկան ամբողջ վարձի մինչև 90%-ը:

Հայաստանի ամերիկյան համալսարանն առաջարկում է նաև փոխառության ծրագիր, որին կարող են դիմել քաղաքացիությամբ հայ ուսանողները: Ամբողջ ուսման ընթացքում նրանք կարող են ստանալ մինչև 800,000 ՀՀ դրամի չափով փոխառություն: Տվյալ գումարը ենթակա է փոփոխման՝ կախված համալսարանի ֆոնդերից: Ուսման ընթացքում ուսանողներն արդեն սկսում են մարել պարտքը՝ վճարելով 15,000 ՀՀ դրամ երեք ամիսը մեկ հաճախականությամբ: Ավարտելուց ուսանողին տրվում է վճարման ժամացուցակ:

Ժամանակ առ ժամանակ համալսարանի տարբեր բաժիններում կարող են լինել ազատ աշխատատեղեր, ուր, որպես ֆինանսական օժանդակության ծրագրի մաս, կարող են դիմել բարձր առաջադիմություն ցուցաբերող ուսանողները:

Բոլոր ուսանողները կարող են վճարել իրենց ուսման վարձը մասնավճարով: Այս դեպքում ուսանողը վճարում է քառորդի ուսման վարձի 35 % կազմող գումարը, այնուհետև մնացյալ գումարը՝ մաս-մաս՝ մինչև քառորդի ավարտը:

Ուսանողները հնարավորություն ունեն ստանալու նաև կրթաթոշակներ, որոնք տրվում են բարձր առաջադիմություն ցուցաբերող ուսանողներին և ովքեր համապատասխանում են նվիրատուի կողմից սահմանված չափանիշներին:

Ցանկացած ուսանող, ով ուսման ընթացքում հանդիպում է ֆինանսական դժվարությունների, կարող է դիմել ուսանողական հարցերով զբաղվող գրասենյակի տնօրենին կամ ֆինանսական օժանդակության կոորդինատորին: Մանրամասների համար այցելեք մեր ինտերնետային էջը՝ [www.aua.am](http://www.aua.am).

## ԱՐԴՅՈՒՆԱԲԵՐԱԿԱՆ ՃԱՐՏԱՐԱԳԻՏՈՒԹՅՈՒՆ ԵՎ ՀԱՄԱԿԱՐԳԵՐԻ ԿԱՌԱՎԱՐՈՒՄ

(Դասախոսական կազմի և առաջարկվող դասընթացների ամբողջական ցանկը տեսնելու համար այցելեք [www.aua.am](http://www.aua.am), սեղմեք «Ակադեմիական ծրագրեր», հետո «Ճարտարագիտության ֆակուլտետ»)

### Ծրագիրը և նպատակը

Արդյունաբերական ճարտարագիտության և համակարգերի կառավարման (ԱՃՀԿ) ֆակուլտետի նպատակն է ուսանողներին տալ բազմակողմանի կրթություն հետևյալ ոլորտներում՝ ճարտարագիտության և գործողությունների կառավարում, արտադրական համակարգեր, տեղեկատվական տեխնոլոգիաներ և հաղորդակցություն: Մի շարք հիմնական դասընթացների միջոցով ուսանողը ծանոթանում է խնդիրների ձևակերպման և լուծման հիմնական մեթոդներին:

Հատուկ ուշադրություն է դարձվում տնտեսական հարցերին, պահանջարկի և կարողությունների անորոշ բնույթին, անորոշության մեջ որոշումների կայացման հիմունքներին, տեղեկատվական տեխնոլոգիաների արդյունավետ օգտագործմանը, մեծ համակարգերի ձևավորմանը և վերլուծությանը, արդյունավետ լուծումներ գտնելու եղանակներին: Ուսանողներին առաջարկվում են դասընթացներ հետևյալ ոլորտներում՝ համակարգչային նախագծում և արտադրություն, կառավարում, աշխատանքային վարքագիծ և օպտիմիզացում: Այցելու դասախոսների կողմից առաջարկվում են հավելյալ մասնագիտական թեմաներ հետազոտությունների և զարգացման նոր ոլորտներում: Ծրագրի հիմնական հատկանիշներից է ուսանողների ընդգրկումը արդյունաբերական գործարանների հետ համատեղ իրականացվող արտադրության ժամանակակից մեթոդների ինտեգրատիվ նախագծերում: Այս դասընթացը ուսանողներին հնարավորություն է ընձեռում ձեռք բերելու իրական կյանքի փորձ, ինչպես նաև զարգացնելու կապերը Հայաստանի արդյունաբերության հետ: Ուսանողները պատրաստում են հաշվետվություններ և կատարում են բանավոր գեկուցում-ներկայացումներ բազմաթիվ դասընթացների ընթացքում՝ զարգացնելու համար իրենց հաղորդակցման հմտությունները: Ժամանակակից տեխնոլոգիական խնդիրները պահանջում են լուծումներ, որոնք ձևավորվում են բազմակողմանի մոտեցումների արդյունքում: Արդյունաբերական ճարտարագիտության և համակարգերի կառավարման ֆակուլտետը խրախուսում է իր ուսանողներին երկրորդ մասնագիտություն ընտրել Գործարար Կառավարման կամ Համակարգչի և տեղեկույթի գիտության ոլորտներում՝ ամրապնդելու իրական կյանքի խնդիրների բարդության գնահատումը և բազմակողմանի լուծումների անհրաժեշտությունը:

## ՀԱՄԱԿԱՐԳԻ ԵՎ ՏԵՂԵԿՈՒԹՅԱՆ ԳԻՏՈՒԹՅՈՒՆ

(Դասախոսական կազմի և առաջարկվող դասընթացների ամբողջական ցանկը տեսնելու համար, այցելեք [www.aua.am](http://www.aua.am), սեղմեք «Ակադեմիական ծրագրեր», հետո «Ճարտարագիտության ֆակուլտետ»)

### Ծրագիրը և նպատակը

Հայաստանի ամերիկյան համալսարանի Համակարգչի և տեղեկույթի գիտության ծրագիրը կիրառական բնույթ ունի: Այն օգնում է ուսանողներին ձեռք բերելու այն անհրաժեշտ հմտությունները, որոնք պահանջվում են արդյունավետ ղեկավարներ դառնալու: Հայաստանի համակարգչային և նրան կից արդյունաբերություններում: Որպես այսպիսին, ակնկալվում է, որ ուսանողները խորապես տիրապետեն այս ոլորտի տեխնիկական մասին, ինչպես նաև գործարարությանը, կառավարմանը և ձեռնարկությանը: Այս ամենին հասնելու

համար ծրագիրն օգտագործում է ՀԱՀ-ի մագիստրոսի կոչում շնորհող այլ ծրագրերի հնարավորությունները:

Ծրագրին բնորոշ է ներառել ուսանողներին լսարանում ձեռք բերված գիտելիքների կիրառման համապատասխան փորձի մեջ: Այսպիսի փորձն իրականացվում է ուսումնական ծրագրում ընդգրկված պարտադիր անցկացվող պրակտիկայի օգնությամբ: Այս պրակտիկան հնարավորություն է ընձեռում ուսանողներին ձեռք բերելու իրական աշխարհի փորձառություն՝ ամբողջացնելով մի նախագիծ արդյունաբերությունում կամ կառավարման կազմակերպություններում: Այս փորձը կօգնի ուսանողներին կիրառելու իրենց գիտելիքները, ինչպես նաև ավելի լավ հասկանալու ոլորտի սոցիալ-մշակութային կողմերը: Այս ամենը որոշիչ դեր է խաղում նախագծերի բարեհաջող ավարտի համար:

## ԳՈՐԾԱՐԱՐ ԿԱՌԱՎԱՐՄԱՆ ՄԱԳԻՍՏՐՈՍԻ ԿՈՇՈՒՄ

(Դասախոսական կազմի և առաջարկվող դասընթացների ամբողջական ցանկը տեսնելու համար այցելեք [www.aua.am](http://www.aua.am), սեղմեք «Ակադեմիական ծրագրեր», հետո «Գործարար կառավարում»)

FTMBA Գործարար կառավարման մագիստրոսի ցերեկային ծրագիր  
PMBA Գործարար կառավարման մագիստրոսի երեկոյան ծրագիր

### Ծրագիրը և նպատակը

ՀԱՀ-ի Գործարար կառավարման բաժնի առաքելությունն է առաջարկել բարձր մակարդակի կրթություն գործարար ձեռներեցության և ակադեմիական ոլորտներում հաջողության հասած առաջնորդների, ինչպես նաև խթանել կառավարման ըմբռման խորացումն ու կիրառումը՝ հետազոտությունների, գործնական վերլուծությունների և նախագծերի միջոցով: Գործարար կառավարման բաժինը գնահատում և արժևորում է տվյալ աշխարհագրական տարածաշրջանում առկա տարբերությունները: Ֆակուլտետի նպատակն է պատրաստել ապագա գործարար ձեռներեցներ, մասնավոր, պետական և հասարակական կազմակերպությունների աշխատողներ, ղեկավարներ և տնօրեններ: Մագիստրոսի կոչում շնորհող Գործարար կառավարման այս ծրագիրը նախատեսված է օգնելու ապագա ղեկավարներին՝ համընդհանուր մրցակցության միջավայրում ազատ և արդյունավետ գործելու:

## ՀԱՆՐԱՅԻՆ ԱՌՈՂՋԱԿԱՆՈՒԹՅԱՆ ՄԱԳԻՍՏՐՈՍ

(Դասախոսական կազմի և առաջարկվող դասընթացների ամբողջական ցանկը տեսնելու համար, այցելեք [www.aua.am](http://www.aua.am), սեղմեք «Ակադեմիական ծրագրեր», հետո «Հանրային առողջապահություն»)

### Ծրագիրը և նպատակը

Հանրային առողջապահության մագիստրոսի (MPH) կոչում շնորհող ծրագիրն առողջապահության բնագավառի որակյալ մասնագետներին օժտում է առարկայի հիմնավոր իմացությամբ, որպեսզի կարողանան, բնակչության տվյալների հիման վրա, մոտեցումներ գտնել առողջապահության ոլորտի հետ առնչվող հարցերի բացահայտման, դրանց ուսումնասիրության, քննարկման և արհեստավարժ լուծման համար: MPH ֆակուլտետի հիմնական նպատակն է պատրաստել առողջապահության ոլորտի արհեստավարժ մասնագետներ, ովքեր առարկաներից ձեռք բերված գիտելիքների և փորձի օգնությամբ կկարողանան սահմանել, քննադատաբար գնահատել և լուծել հանրային առողջապահության վրա ներգործող խնդիրները: Ծրագիրն ուսանողներին տալիս է

խնդիրներ լուծելու և հետազոտական մեթոդաբանության տեսական հիմք, ինչպես նաև այս գործունեությունն հենք հանդիսացող ուսմունքների ամուր հասկացողություն:

**ՔԱՂԱՔԱԳԻՏՈՒԹՅԱՆ ԵՎ ՄԻՋԱԶԳԱՅԻՆ ՀԱՐԱԲԵՐՈՒԹՅՈՒՆՆԵՐԻ ՄԱԳԻՍՏՐՈՍ**

(Պասախոսական կազմի և առաջարկվող դասընթացների ամբողջական ցանկը տեսնելու համար, այցելեք [www.aua.am](http://www.aua.am), սեղմեք «Ակադեմիական ծրագրեր», հետո «Քաղաքագիտություն և միջազգային հարաբերություններ»)

**Ծրագիրը և նպատակը**

Քաղաքագիտության և միջազգային հարաբերությունների մագիստրոսի կոչում շնորհող ծրագիրն ուսանողներին տալիս է 21-րդ դարի քաղաքական իրավիճակի հետ առնչվող առարկաների համապարփակ հավաքածու: Այս ֆակուլտետը հիմնական շեշտը դնում է վերլուծական, տրամաբանական և խնդիրների լուծման ունակությունների ձևավորման վրա՝ միջազգային, համեմատական և տեղական կառավարման հաստատությունների ու գործունեացների ուսումնասիրության միջոցով: Ֆակուլտետի նպատակն է ուսանողներին տալ գիտելիքներ և զարգացնել վերլուծական մտածելակերպ՝ կառավարման օղակներում որպես դիվանագետներ, վարչական ղեկավարներ, քաղաքական վերլուծաբաններ և հետազոտողներ աշխատելու, ինչպես նաև մասնավոր ոլորտում արդյունավետ գործունեություն ծավալելու և հասարակության մեջ փոփոխություն բերողներ լինելու համար: Շնորհիվ ծավալուն և ճկուն ուսումնական ծրագրի՝ ուսանողները կարողանում են ավելի լավ հասկանալ միջազգային և շրջանային քաղաքական կյանքի փոխկապակցվածությունը, ինչպես նաև Հայաստանում տեղի ունեցող փոփոխությունների վրա ազդող սոցիալ-տնտեսական խնդիրները: Ֆակուլտետի մոտեցումը բազմաբնագավառային է: Հատուկ ուշադրություն է տրվում տեղական, ազգային, տարածաշրջանային և միջազգային մակարդակներում ժողովրդավարական կառավարման ամբողջական ըմբռնման վրա:

**ԻՐԱՎԱԳԻՏՈՒԹՅԱՆ ՄԱԳԻՍՏՐՈՍԻ ԿՈՇՈՒՄ (LL.M.)**

(Պասախոսական կազմի և առաջարկվող դասընթացների ամբողջական ցանկը տեսնելու համար, այցելեք [www.aua.am](http://www.aua.am), սեղմեք «Ակադեմիական ծրագրեր», հետո «Իրավագիտության բաժին»)

**Դեկանի ուղերձը**

Մասնագետներ պատրաստելու իր արդեն 10 տարուց ավել փորձառությամբ զինված՝ ՀԱՀ-ի Իրավագիտության մագիստրոսի կոչում շնորհող ծրագիրը հանձնառու է իր իրազեկ և մրցունակ շրջանավարտ-մասնագետներ պատրաստելու նպատակին՝ ի խնդիր Հայաստանի և տարածաշրջանի զարգացմանը: Հավատարիմ լինելով իրավունքի՝ որպես ծառայողական մասնագիտության և հասարակության բարեկեցությանն ուղղված ուսմունքի մեր ըմբռնմանը, մենք ձգտում ենք խրախուսել արդարությունը և արդյունավետությունը առօրյա կյանքի հանրային և մասնավոր գործարքներում: Փորձառու իրավաբանական խորհրդատուները և իրավաբանները կարևոր դեր ունեն տնտեսական բարգավաճման, ինչպես նաև օրենքների, կանոնակարգերի, հաստատությունների քաղաքականությունների շրջահայաց նախագծումների խթանման գործում: Աշխարհն անընդհատ փոխվում է, և դրա հետ փոփոխվում է նաև իրավունքը: Իրավաբանի կրթությունը երբեք ավարտուն չէ: Սակայն իրավաբանները աշխարհի ամենազբաղված մասնագետներն են: Այս պատճառով ՀԱՀ-ի Իրավագիտության բաժինն առաջարկում է

ՀԱՅ-ում իրավաբանական կրթության ձեռքբերման մի շարք նոր և հարմարավետ եղանակներ: Մեր ուսումնական նոր ծրագիրը՝ բաղկացած 6 թեմատիկ մոդուլներից, հնարավորություն է տալիս արագ և խտացված ուսման հղկելու համար որոշակի հմտություններ: ՀԱՅ-ի առաջարկած ակադեմիական աստիճան չստացող ուսանողի նոր կարգավիճակը (non-degree student) ավելի, քան երբևէ հեշտացնում է միայն մեկ կամ երկու առարկա վերցնելու և կրթությունը քայլ առ քայլ շարունակելու գործընթացը: Այնպես որ մի՛ հապաղեք:

Մենք խրախուսում ենք ազնիվ, խելացի, ծառայելու հանձնառու և արդարությանը նվիրված ուսանողներին ՀԱՅ-ում իրավական կրթություն ստանալու, ձեռք բերելու ամերիկյան, եվրոպական, համեմատական, միջազգային հանրային և մասնավոր իրավունքի բնագավառում համաշխարհային շուկայում հաջողության հասնելու համար անհրաժեշտ գիտելիքներ և գործնական հմտություններ:

## **ԱՆԳԼԵՐԵՆԻ՝ ՈՐՊԵՍ ՕՏԱՐ ԼԵԶՎԻ ԴԱՍԱՎԱՆՊԱՆ ՄԱԳԻՍՏՐՈՍԻ ԿՈՉՈՒՄ ՇՆՈՐՀՈՂ ԾՐԱԳԻՐ (MA TEFL)**

(Դասախոսական կազմի և առաջարկվող դասընթացների ամբողջական ցանկը տեսնելու համար, այցելեք [www.aua.am](http://www.aua.am), սեղմեք «Ակադեմիական ծրագրեր», հետո «Անգլերեն լեզվի բաժին»)

### **Ծրագիրը և նպատակը**

Անգլերենի՝ որպես օտար լեզվի դասավանդման մագիստրոսի կոչում շնորհող ծրագիրը (MA TEFL) անգլերեն դասավանդողներին, ուսումնական ծրագիր և տեստեր մշակողներին, ուսուցիչներ վերապատրաստողներին ընծեռում է լեզվի դասավանդման խորացված ուսումնասիրության հնարավորություն:

### **Ընդունելության պայմանները**

Ի լրումն համալսարանի ընդունելության ընդհանուր պայմանների՝ այս ծրագրի դիմորդները պետք է հաջողությամբ ավարտեն ՀԱՅ-ի Անգլերենի՝ որպես օտար լեզվի դասավանդման վկայագիր շնորհող ծրագիրը (CTEFL) կամ դրան համարժեք այլ ծրագիր՝ գնահատականների առնվազն 3.50/4.00 միջինով:





**Լրացուցիչ տեղեկությունների համար դիմել**

**Ուսանողական և ուսումնական հարցերի գրասենյակ  
Հայաստանի ամերիկյան համալսարան, Մ.Բաղրամյան 40  
Երևան, Հայաստան, 0019  
Հեռախոս. [+37410] 51-27-91  
Էլեկտրոնային հասցե : [admission@aua.am](mailto:admission@aua.am)  
Կայք էջ. [www.aua.am](http://www.aua.am)**

**Համալսարանն իրեն իրավունք է վերապահում փոփոխություններ  
կատարել տվյալ գրքույկում առանց որևէ նախօրոք զգուշացման:  
Խորհուրդ է տրվում պարբերաբար այցելել համալսարանի  
Ուսանողական և ուսումնական հարցերով զբաղվող գրասենյակ ավելի  
մանրամասն տեղեկություններ ստանալու համար:**

**ՀԱՀ-ը բաց է բոլոր այն ուսանողների համար, ովքեր ունեն  
համապատասխան ակադեմիական ցուցանիշներ, խտրականություն  
թույլ չտալով՝ հիմնված ցեղի, ծագումի, սեռի կամ հավատքի վրա:**



## ԳԻՏԵ՞Ք, ՈՐ

- ▲ ՀԱՀ-ում կարող եք ստանալ արևմտյան ոճի կրթություն՝ վճարելով ԱՄՆ-ում ուսանելու տարեկան վարձի ընդհանենը 1/10րդ մասը
- ▲ ՀԱՀ-ը հրավիրում է դասախոսներ ԱՄՆ-ից և Եվրոպայից, այնպես որ արտասահման մեկնելու կարիք չկա
- ▲ ՀԱՀ-ն առաջարկում է կրթաթոշակներ և վարկեր՝ հնարավորություն ընձեռելով ուսանողներին՝ նվազեցնելու իրենց ծախսերը
- ▲ ՀԱՀ-ի յուրաքանչյուր բաժին ունի իր հետազոտական կենտրոնը, որտեղ ուսանողները կիրառում են լսարանում ձեռք բերած գիտելիքները և վաստակում ապագա աշխատանքի համար անհրաժեշտ փորձառություն
- ▲ ՀԱՀ-ի շրջանավարտների 95%-ն այսօր աշխատանք ունի

Ահա մի քանի պատճառներ, թե ինչու Դուք պետք է մտածեք շարունակելու Ձեր կրթությունը ՀԱՀ-ում: Ընտրեք մասնագիտություն և սկսեք կերտել Ձեր ապագան հենց այսօրվանից: